



Komunikado Imprensa

Autoridade Nacional do Petróleo (ANP) representa Governu Timor-Leste iha loron 6 Setembru 2024 asina eskritura alterasaun ba Kontratu Fahe Produsaun (KFP) TL-SO-T 19-11 ho kompañia Finder PSC 19-11 Pty Ltd ho TIMOR GAP PSC 11-106 Unipessoal Limitada.

Kompañia Finder PSC 19-11 Pty Ltd nudar subsidiaria husi kompañia Finder Operations Pty Ltd ne'ebé establecida no eziste ona liu tinan 20; no sai operador ativu tebes ho esperensia deskoberta hidrokarbonetos. Susesu hirak ne'ebé parte kompañia Finder atinji mai husi resultadu kombinasau ne'ebé diak entre ekipa tekniku ne'ebé kualifikadu tebes iha área Jeosientista, Enjiñeiru reservatoriu, enjiñeiru ba projeitu, no seluk-seluk tan.

Kontratu Fahe Produsan (KFP) TL-SO-T 19-11 ne'e rasik kuñesidu iha pasadu ho naran JPDA 11-106, ne'ebé kobre área hamutuk kilometrus 662 kuadrado no haleu kampu Kitan; no iha tinan 2019 área refere pertense ba Timor-Leste hafoin entrada em vigor Tratadu Fronteira Marítima entre Governu República Demokratika Timor-Leste no Australia .

Iha fulan Agostu 2024, kompañia Eni JPDA 11-106 BV nudar Operador tuir aranjamentu kontratu kompra no venda , nudar vendedor no sai mós nain ba 40.53% açções iha KFP submete aplikasaun ba mundansa ba kontrolo ba sira nia interese partisipativu iha KFP. Iha tempu hanesan, Inpex Offshore Timor-Leste Pty Ltd nain ba açções 35.47 iha KFP ne'ebé nudar mós membru konsorsiu, tuir aranjamentu kontratu kompra no venda (KKV) sai nudar vendedor submete aplikasaun ba cessão ba sira nia interese partisipativu iha KFP hodi hetan aprovasaun husi ANP.

ANP nudar Autoridade reguladora ba setór petrolifera iha Timor-Leste, hala'ó tiha ona avaliasaun tuir kumprimentu obrigasaun kontratual no legal sira ne'ebé preve iha :

1. Kontratu Fahe Produsaun TL-SO-T 19-11
2. Decreto-Lei n.º 25/2019, loron 27 de Agostu, kona-ba Transisaun de Títulos Petrolíferos no Regulamento ba Atividades Petrolíferas iha Área Conjunta
3. Lei n.º 6/2019, loron 4 dezembro, Segunda Alterasaun ba Lei n.º 2. Decreto-Lei n.º 13/2005, loron 2 de Setembru, kona-ba Actividades Petrolíferas.

Adisionalmente, ekipa ANP mós halo avaliasaun ba dokumentos hanesan KKV ne'ebé assina tiha ona husi parte Eni, Inpex, Timor Gap no Finder Energy nomós avaliasaun tekniku, komersial no boa sidadania empresarial husi kompañia Finder Energy molok fó aprovasaun ba cessão, mudansa kontrolo no mudansa ba operador nia KFP. Depois parte kompañia Eni no Inpex continua kedas ho prosesu transferensia ba asset sira no mós asina eskritura novasaun ba KFP nomós akordu operasaun konjuntu, hodi kompleta kedas prosesu desinvestimentu ba KFP refere.

Ho nune'e ANP, kompañia Finder Energy no TIMOR GAP PSC 11-106 Unipessoal, Limitada agora dadauk pruntu atu asina eskritura albertasaun ba KFP, ne'ebé inklui mós kondisaun esensial sira hanesan estensaun tinan 3 ba termu KFP. Ho selebrasaun asinatura ida ne'e, sei fó direitu tomak ba kompañia Finder PSC 19-11 Pty Ltd atu hahu hala'o atividade peskiza, ne'ebé sei komesa husi reprosesamentu dadus sízmiku ba Ikan 3D, planu kontijensia ba posu avaliasaun, no mós dezvoltimentu ba kampu refere.

Parte husi Kompañia Finder Energy mós sente honradu hodi hola parte iha dezvoltimentu enerjia Timor-Leste nian iha futuru nomós kompremete atu ezekuta programa serbisu sira ho diak hodi nune'e bele hamosu produsaun foun ho utilizaun teknolojia modernu iha área refere.

ANP hatóo bemvindu ba Finder Energy hodi hola parte iha industria petrólifera Timor-Leste nian no pruntu atu halo kolaborasaun no serbisu hamutuk ho parte operador no nia parseiru sira seluk hodi bele halo susesu atividade esplorasun petróleu iha Timor-Leste.

Karik presija informasaun klaru liu tan halo favor kontaktu ba:

- **ANP** : Sr. David Hugo, liu husi email: david.dasilva@anp.tl ou nu. telephone: +67078173397
- **Damon Neaves, CEO**: liu husi email: info@finderenergy.com ou nu. telefone: +61893270100
- **TIMOR GAP PSC 11-106 Unipessoal Limitada: Francisco Alegria** liu husi email: francisco.alegria@timorgap.com ou nu. telephone: +6703311422 +670 77458414